

Члан 94 б.

Правно лице код којег се утврде незаконитости из члана 66. Закона биће кажњено новчаном казном у износу од 3.000,00 КМ до 30.000,00 КМ.

Физичко лице код којег се утврде незаконитости из члана 66. Закона биће кажњено новчаном казном у износу од 500,00 КМ до 5.000,00 КМ."

Члан 46.

Члан 96. мијења се и гласи:

"Пореска управа је дужна, на захтјев пореских обвезника, давати мишљења и одговоре на питања у вези са примјеном прописа којим се регулишу порези, доприноси и таксе, а за чију наплату и контролу је надлежна.

Начин и поступак давања мишљења из претходног става прописаће министар подзаконским актом у року од шездесет (60) дана од дана ступања на снагу овог закона."

Члан 47.

Законодавно - правне комисије оба дома Парламента Федерације Босне и Херцеговине утврдиће пречишћени текст Закона о Пореској управи Федерације Босне и Херцеговине.

Члан 48.

Овај закон ступа на снагу осмог дана од дана објављивања у "Службеним новинама Федерације БиХ",

Председавајући Дома народа Парламента Федерације БиХ Стјепан Крешћ, с. р.	Председавајући Представничког дома Парламента Федерације БиХ Сафет Софтић, с. р.
---	--

На основу члана IV.B.7. а)(IV) Устава Федерације Босне и Херцеговине, donosim

UKAZ

**O PROGLAŠENJU ZAKONA O IZMJENAMA I
DOPUNAMA ZAKONA O POREZNOJ UPRAVI
FEDERACIJE BOSNE I HERCEGOVINE**

Proglašava se Zakon o izmjenama i dopunama Zakona o poreznoj upravi Federacije Bosne i Hercegovine koji je donio Parlament Federacije BiH na sjednici Predstavničkog doma od 8. juna 2010. godine i na sjednici Doma naroda od 29. aprila 2010. godine.

Broj 01-02-345/10
6. jula 2010. godine
Sarajevo

Predsjednica
Borjana Krišto, s. r.

ZAKON

**O IZMJENAMA I DOPUNAMA ZAKONA O POREZNOJ
UPRAVI FEDERACIJE BOSNE I HERCEGOVINE**

Члан 1.

У Закону о Пореској управи Федерације Босне и Херцеговине ("Службене новине Федерације БиХ, бр.: 33/02, 28/04 и 57/09) у члану 1. у ставу 1. иза ријечи: "позезних закона" пише се зarez и додају ријечи: "Закона о јединственом систему регистрације, контроле и наплате доприноса".

Став 2. мијенја се и гласи:

"Овај закон се односи на провођење и извршавање активности из области свих врста федералних, кантонских, градских и опћинских пореза, доприноса, такси, посебних накнада, чланарина туристичких заједница, чланарина обртничких комора и новчаних казни за порезне прекршaje."

Иза става 2. додају се ст. 3., 4., 5. и 6. који гласе:

"Под таксама, у смислу става 2. овог члана, подразумевају се такса на истакнуту фирму и такса за држање апарата за игре на срећу и забавне игре.

Под посебним накнадама, у смислу става 2. овог члана, подразумевају се опћа водна накнада, накнада за кориштење

опће корисних функција шуме и посебна накнада за заштиту од природних и других несрећа.

Под чланаринама туристичких заједница, у смислу става 2. овог члана, подразумевају се чланарине које су дужни плаћати правна и физичка лица (самостални предузетници) у одређеном проценту од оствареног укупног прихода оствареног обављањем одређене дјелатности утврђене Уредбом о чланаринама у туристичким заједницама.

Под чланарином обртничких комора, у смислу става 2. овог члана, подразумева се чланарина коју су дужни плаћати обртници и лица која обављају сродне дјелатности у одређеном проценту утврђеном Правилником о висини чланарине, њеној расподјели између удружења обртника и удружења лица која обављају сродне дјелатности, обртничких комора кантона и Обртничке коморе Федерације Босне и Херцеговине."

Члан 2.

У члану 3. у ставу 1. тачка (1) мијенја се и гласи:

"(1) Пореzi, доприноси, таксе, посебне накнаде, чланарине и новчане казне:

- Порез је новчани износ који је порезни обвезник дужан плаћати буџету у складу са порезним законима,
- Допринос је новчани износ који је порезни обвезник дужан плаћати ванбуџетским фондovima у складу са прописима који регулирају те обавезе,
- Таксе су новчане обавезе које је порезни обвезник дужан плаћати у складу са законима којима се регулирају таксе на истакнуту фирму и таксе на апарате за игре на срећу и забавне игре,
- Посебне накнаде су новчани износи које су дужни плаћати порезни обвезници у складу са чл. 169. и 170. Закона о водима, чланом 60. став 1. тачка а) Закона о шумama и у складу са чланом 180. Закона о заштити и спашавању људи и материјалних добара од природних и других несрећа,
- Чланарине туристичких заједница су новчане обавезе које су дужни плаћати порезни обвезници у складу са Уредбом о чланаринама у туристичким заједницама,
- Чланарине обртничких комора су новчане обавезе које су дужни плаћати чланови обртничке коморе у складу са Законом о обрту и сродним дјелатностима,
- Новчане казне су новчани износи евидентирани у регистру новчаних казни према порезним прекршajима и које се наплаћују у поступку принудне наплате."

У ставу 1. тачка (4) мијенја се и гласи:

"(4) Порезна тajна су све информације или подаци о порезном обвезнику којима располажу порезни органи, изузев:

- информација и података за које порезни обвезник у писаном облику изјави да се не сматрају порезном тajном;
- информација и података датих у таквом облику да се не могу повезати са појединачним порезним обвезником или га се на други начин не може идентификовати;
- података о наплати пореза који се, према одредбама овог закона, јавно објављују.

Порезне информације и подаци који се сматрају порезном тajном могу се дати :

- органима надлежним за подuzимање мјера и активности са циљем утврђивања порезних обавеза, одговорности за порезне прекршaje и порезна кривична дјела ;
- страним порезним властима у складу са међународним уговорима и
- другим лицима уз писани пристанак порезног обвезника."

У ставу 1. у тачки (7) иза заградe од ријечи "OOPP" умјесто зarezа ставља се тачка, а остали текст се брише.

У ставу у 1. тачки (9) ријеч "радник" замјенjuje се ријечју "зaposленик".

Члан 3.

У члану 4. став 2. мијенја се и гласи:

"Порезном управом руководи директор Порезне управе (у даљњем тексту: директор). Директор има замјеника. Директора и замјеника директора именује Влада Федерације, на приједлог

federalnog ministra finansija (u daljnjem tekstu: ministar) na period od četiri godine sa mogućnošću novog imenovanja."

U stavu 3. prva rečenica se mijenja i glasi:

"Porezna uprava je organizirana na dva nivoa i to na nivou Središnjeg ureda i nivou kantonalnih poreznih ureda sa pripadajućim poreznim ispostavama".

Stav 5. mijenja se i glasi:

"Direktor, uz saglasnost ministra a prema provedenoj proceduri utvrđenoj u Poglavlju IV. Zakona o državnoj službi u Federaciji Bosne i Hercegovine ("Službene novine Federacije BiH", br. 29/03, 39/04, 54/04, 67/05 i 8/06), postavlja i razrješava rukovodioce sektora unutar Središnjeg ureda, rukovodioce kantonalnih poreznih ureda i šefove poreznih ispostava."

Stav 6. briše se.

Član 4.

U članu 5. u st. 3. i 4. riječi: "Na zahtjev Porezne uprave, Carinska uprava će joj" zamjenjuju se riječima: "U cilju međusobne saradnje, Uprava za indirektno oporezivanje će Poreznoj upravi".

Iza stava 6. dodaje se novi stav 7. koji glasi:

"Porezna uprava dužna je razmjenjivati informacije sa odgovarajućim organima u Republici Srpskoj i Brčko Distriktu u cilju većeg poštivanja poreznih zakona oba entiteta i Distrikta."

Dosadašnji stav 7. postaje stav 8. mijenja se i glasi:

"Porezna uprava i Uprava za indirektno oporezivanje dužne su koordinirati aktivnosti i obostrano razmjenjivati informacije sa odgovarajućim organima u Republici Srpskoj i Brčko Distriktu u cilju većeg poštivanja poreznih zakona oba entiteta i Distrikta."

Član 5.

U članu 7. u stavu 1. riječi: "Porezna uprava i njeni radnici" zamjenjuju se riječju "zaposlenici", a riječi: "imat će" riječju "imaju".

U stavu 1. u alineji 14. riječi: "vode postupak i izriču kazne" zamjenjuju se riječima: "izdaju prekršajne naloge".

U stavu 1. u alineji 18. riječ "šezdeset (60)" zamjenjuje se riječju "stotinudvadeset (120)".

Stav 2. mijenja se i glasi:

"Zaposlenicima poreznog organa nije dozvoljeno da budu u organima političkih stranaka, niti u zakonodavnoj vlasti na bilo kojem nivou."

Član 6.

U članu 9. u stavu 1. riječ "Radnici" zamjenjuje se riječju "Zaposlenici".

Član 7.

U članu 10. u st. 1. i 2. riječ "Radnici" zamjenjuje se riječju "Zaposlenici".

U stavu 2. iza riječi: "Poreznoj upravi" piše se tačka, a riječi: "ili poreznom obvezniku" brišu se.

Iza stava 2. dodaje se novi stav 3. koji glasi:

"Porezna uprava Federacije Bosne i Hercegovine je organ od značaja za javnu sigurnost."

Član 8.

Iza člana 12. dodaje se novi član 12a. koji glasi:

" 12a.

Na prijedlog ministra Vlada Federacije može donijeti odluku kojom će utvrditi pravo zaposlenika Porezne uprave koji rade na poslovima kod kojih postoje posebni uvjeti rada, na poseban dodatak u visini do 20% od osnovne plaće.

Odlukom iz stava 1. ovog člana utvrdit će se poslovi kod kojih postoje posebni uvjeti rada i procent posebnog dodatka za te poslove."

Član 9.

Iza člana 15. dodaje se novi član 15a. koji glasi:

"15a.

Identifikacioni broj dodijeljen poreznom obvezniku oduzet će se u sljedećim slučajevima:

1. ako se utvrdi da je identifikacioni broj dodijeljen bez podnošenja propisane dokumentacije ili ako je lažna dokumentacija, odnosno lažne informacije korištene u postupku dodijele identifikacionog broja;
2. ako je nakon izdavanja identifikacionog broja zakonodavac propisao druge uvjete za poreznu registraciju i identifikaciju poreznog obveznika, a porezni obveznik ne postupi u skladu sa izmjenjenom zakonskom regulativom;
3. ako nadležni sud utvrdi da je upis u sudski registar bio nedopustiv ili je naknadno postao nedopustiv,
4. u drugim slučajevima u kojima se utvrdi da je dodjela identifikacionog broja bila nedopustiva ili je naknadno postala nedopustiva.

Postupak oduzimanja identifikacionog broja provodi se na zahtjev lica koje ima pravni interes ili po službenoj dužnosti, u skladu sa odredbama upravnog postupka. Postupak provodi organizaciona jedinica Porezne uprave koja je i dodijelila identifikacioni broj poreznom obvezniku."

Član 10.

U članu 16. u stavu 3. iza riječi: "dostavlja poreznom organu rješenje o sudskoj registraciji sa priložima" dodaju se riječi: "i izvod iz sudskog registra koji ne može biti stariji od trideset (30) dana od dana izdavanja".

Član 11.

U članu 18. iza stava 2. dodaje se stav 3. koji glasi:

"Organ uprave ili drugi nadležni organ koji vodi evidenciju o imovini i upisuje promjene o vlasništvu nad imovinom obavještava nadležni Porezni ured o svim promjenama u roku od pet (5) radnih dana od dana takve upisane promjene kod subjekta nad čijom imovinom je Porezna uprava upisala zakonsku hipoteku."

Član 12.

U članu 20. u stavu 6. u četvrtom redu riječi: "na floppy disketi" zamjenjuju se riječima: "elektronskim putem".

U stavu 7. na kraju prve rečenice umjesto tačke piše se zarez i dodaje sljedeće riječi: "a ukoliko se radi o prijavi podnesenoj elektronskim putem, prijava se potpisuje u skladu sa Zakonom o elektronskom potpisu".

Član 13.

U članu 22. iza stava 4. dodaje se stav 5. koji glasi:

" Porezna uprava ima ovlaštenje izmijeniti poreznu prijavu podnesenu od poreznog obveznika ukoliko utvrdi da porezna prijava nije ispravno podnesena ili ne sadrži tačne podatke. Izmjenu porezne prijave Porezna uprava može izvršiti tek po isteku roka iz stava 4. ovog člana i po proceduri propisanoj ovim zakonom."

Član 14.

U članu 27. stav 1. mijenja se i glasi:

"Porezna obaveza je obaveza poreznog obveznika da plati porez, doprinose, takse i novčane kazne uključujući i pripadajuće kamate u skladu sa poreznim zakonima i zakonima kojima se uređuju pitanja doprinosa i odnosnih taksi i novčanih kazni."

Član 15.

U članu 28. u stavu 1., u drugom redu iza riječi "dužno" dodaju se riječi: "obustaviti i", a u petom redu iza riječi "kada" dodaje se riječ "je", u šestom redu iza riječi "poduzetnik" riječ "naplati" se briše, a dodaju se riječi: "bilo dužno obustaviti i naplatiti".

Član 16.

U članu 29. u stavu 1. u alineji 1., iza riječi "direktor" dodaju se riječi: "ili osnivač".

Član 17.

Član 36. mijenja se i glasi:

"Izmirenje porezne obaveze podrazumijeva plaćanje ukupnog iznosa poreza, doprinosa, taksi i novčanih kazni uključujući i pripadajuće kamate.

Plaćanje poreza obavlja se u iznosu i rokovima u skladu sa poreznim zakonima.

Plaćanje doprinosa obavlja se u skladu sa odredbama Zakona o doprinosima.

Plaćanje takse obavlja se u gotovini ili putem računa u skladu sa propisima kojima su regulirane takse.

Plaćanje novčanih kazni evidentiranih u registru novčanih kazni koje se naplaćuju u postupku prinudne naplate obavlja se u skladu sa odredbama Poglavlja XI. Zakona.

Plaćanje obaveza iz st. od 2. do 5. ovog člana izvršava se putem OOPP na propisane račune u zakonskom sredstvu plaćanja u Bosni i Hercegovini."

Član 18.

U članu 40. stav 3. mijenja se i glasi:

"Razrez se poništava ili mijenja samo ako rukovodilac nadležnog poreznog ureda odredi da se razrez poništava ili mijenja, ili prema presudi nadležnog suda. Ova pravila se neće primijeniti ako se razrez mijenja zbog izmjene porezne prijave od poreznog obveznika."

Član 19.

U članu 43. stav 3. mijenja se i glasi:

"Nakon što poreznom obvezniku bude uručen nalog za plaćanje u skladu sa članom 3. stav 1. tačka (12) Zakona i ako porezna obaveza ostane neplaćena, rukovodilac nadležnog poreznog ureda donosi rješenje o pokretanju postupka prinudne naplate, a to rješenje dostavlja se poreznom obvezniku prije poduzimanja konkretnih mjera prinudne naplate."

U stavu 5. u alineji 4. iznos "250,00 KM" zamjenjuje se iznosom "300,00 KM".

Član 20.

U članu 45. u stavu 1. u alineji 1., iza riječi "trošak" dodaje se riječ "prinudne".

Član 21.

U članu 46. u stavu 2. iza riječi "obvezniku" umjesto tačke piše se zarez i dodaju riječi: "u skladu sa članom 3. tačka (12) Zakona".

Član 22.

U članu 47. u stavu 1. u alineji 5. tačka 2. mijenja se i glasi:

"2. ne postoji obračun ili postoje greške u obračunu kamate na zakašnjelo plaćanje, ili".

U stavu 2. riječ "dostavljeno" zamjenjuje se riječju "uručeno" i iza riječi "obvezniku" dodaju se riječi: "u skladu sa članom 3. tačka (12) Zakona".

Član 23.

U članu 48. iza stava 1. dodaje se novi stav 2. koji glasi:

"Ukoliko je rješenje o obustavi doneseno iz razloga što je istekao period u kojem je porezna obaveza naplativa (član 47. stav 1. alineja 1.) u istom rješenju odredit će se da se poništavaju poduzete radnje u postupku naplate i da se poništava izvršeni razrez tih poreznih obaveza."

Dosadašnji stav 2. postaje stav 3.

Član 24.

U članu 50. u stavu 1. u četvrtom redu riječ "svu" se briše, a u petom redu iza riječi "obveznika" dodaju se riječi: "u visini dvostrukog iznosa duga".

Iza stava 1. dodaje se novi stav 2. koji glasi:

"Konkretnu imovinu i imovinska prava na kojima se upisuje zakonska hipoteka u visini dvostrukog iznosa duga određuje Porezna uprava nakon pribavljanja podataka o imovini i imovinskim pravima poreznog obveznika i nakon procjene vrijednosti konkretne imovine i imovinskih prava od ovlaštenog

sudskog vještaka koju osigurava porezni obveznik. Ako porezni obveznik nema imovine i imovinskih prava u vrijednosti koja je jednaka dvostrukom iznosu duga, zakonska hipoteka se upisuje na svu imovinu i imovinska prava poreznog obveznika."

St. 2., 3. i 4. postaju st. 3., 4. i 5.

Dosadašnji stav 2. koji postaje stav 3. mijenja se i glasi:

"Zakonska hipoteka iz stava 1. ovog člana traje do izmirenja porezne obaveze ili poništenja razreza poreza."

U stavu 4. koji postaje stav 5. riječ "svu" se briše.

Iza stava 4., koji postaje stav 5., dodaje se novi stav 6. koji glasi:

"Poreznom obvezniku čija je sva imovina i imovinska prava ili njihov dio postala predmetom zakonske hipoteke zbog poreznog duga, koji u cilju izmirenja tog duga hoće da proda svoju cjelokupnu imovinu i imovinska prava ili njihov dio, Porezna uprava dozvolit će njihovu prodaju, ukoliko kupac te imovine i imovinskih prava izvrši uplatu cijene te imovine i imovinskih prava dogovorene između poreznog obveznika - dužnika i kupca na odgovarajuće račune javnih prihoda. Cijena koju dogovore prodavac-dužnik i kupac mora biti zasnovana na procjeni vrijednosti predmetne imovine i imovinskih prava sačinjenoj od sudskog vještaka odgovarajuće struke."

Dosadašnji stav 5. postaje stav 7.

Stav 5. koji postaje stav 7. mijenja se i glasi:

"Nadležni porezni ured dužan je u roku od dva (2) radna dana nakon izmirenja odgovarajuće porezne obaveze, odnosno nakon uplate sredstava ostvarenih prodajom dužnikove imovine i imovinskih prava na račune javnih prihoda - bilo da je tu uplatu izvršio sam porezni obveznik - dužnik ili kupac sve ili dijela imovine i imovinskih prava dužnika u skladu sa utvrđenim procedurama, izvršiti brisanje hipoteke u istom uredu (uredima) u kojem su bila i evidentirana."

Član 25.

U članu 51. u stavu 6. riječ "dostave" zamjenjuje se riječju "uručnja".

Član 26.

U članu 54. u stavu 11. riječi: "poreznu obavezu i troškove" zamjenjuju se riječima: "troškove postupka prinudne naplate, kamate i poreznu obavezu".

Član 27.

U članu 55. iza stava 1. dodaje se novi stav 2. koji glasi:

"Način i postupak davanja i preuzimanja zaplijenjene imovine iz stava 1. ovog člana propisat će Vlada Federacije podzakonskim aktom u roku od šezdeset (60) dana od dana stupanja na snagu ovog zakona."

Dosadašnji stav 2. postaje stav 3.

Član 28.

U članu 57. u stavu 1. iza riječi "obaveze" dodaju se riječi: "u postupku prinudne naplate".

Član 29.

U članu 58. u stavu 4. riječ "direktor" zamjenjuje se riječima: "Federalno ministarstvo finansija".

Član 30.

U članu 63. u stavu 3. u alineji 3., riječi: "posebne takse" zamjenjuju se riječju "kamate".

Član 31.

U članu 64. u stavu 1. riječi: "drugih radnika" zamjenjuju se riječju "zaposlenika", a umjesto tačke na kraju teksta stavlja se zarez i dodaju riječi: "u skladu sa zakonom".

Član 32.

U članu 66. u stavu 5. riječi: "drugačije ne odluči direktor ili, u slučaju odsustva direktora, njegov zamjenik" zamjenjuju se riječima: "postoji osnov za obnovu postupka".

Stav 7. mijenja se i glasi:

"Ako prilikom kontrole zaposlenik Porezne uprave otkrije da porezni obveznik posluje nezakonito, tada će ovo predstavljati

osnov za privremeno obustavljanje poslovnih aktivnosti poreznog obveznika pečaćenjem njegovih poslovnih prostorija. Nezakonito poslovanje u smislu ovog zakona uključuje poslovanje bez dozvole, neprijavljivanje zaposlenika, poslovanje sa robom kojoj se ne zna porijeklo, neevidentiranje prometa u skladu sa poreznim zakonima i onemogućavanje ovlaštenim zaposlenicima da u skladu sa ovim zakonom izvrše inspeksijski nadzor ili neku drugu zakonom propisanu radnju."

Član 33.

U članu 67. u stavu 1. riječi: "kao dokaze" briše se. Stav 2. briše se.

Član 34.

U članu 71. u stavu 1. na kraju teksta umjesto tačke stavlja se zarez i dodaju riječi: "vodeći računa o pripadnosti prihoda".

Član 35.

U nazivu Poglavlja XV. riječ "ZASTARE" zamjenjuje se riječima: "I ZASTARA".

Član 36.

U članu 73. u stavu 1. alineja 1. mijenja se i glasi:

"- za porez i kaznu koja se odnosi na taj porez u roku od pet (5) godina nakon što je porezna prijava za taj porez podnesena ili nakon isteka zakonskog roka za podnošenje porezne prijave, računajući od dana koji je kasnije nastupio".

U stavu 2. alineja 1. mijenja se i glasi:

"- za porez ili kaznu koja se odnosi na taj porez, ako je porezna prijava za taj porez lažna ili ako porezna prijava za taj porez nije podnesena".

Član 37.

U članu 74. u stavu 1. alineja 1. mijenja se i glasi:

"- u roku od pet (5) godina nakon što je prijava za taj porez podnesena od poreznog obveznika, ili".

U stavu 1. iza alineje 1. dodaje se nova alineja 2. koja glasi:

"- u roku od pet (5) godina od dana izvršenosti porezne obaveze koju je utvrdila Porezna uprava podnošenjem prijave u ime poreznog obveznika ili rješenjem o dodatno utvrđenim poreznim obavezama".

Dosadašnja alineja 2. postaje alineja 3.

Član 38.

Iza člana 74. dodaje se novi član 74 a., koji glasi:

"Član 74a.

Zastarjevanje prava na razrez i prava na naplatu poreza, kamata, troškova prinudne naplate i novčanih kazni prekida se svakom službenom radnjom nadležnog poreznog organa poduzetom u cilju razreza i naplate poreza.

Poslije svakog prekida zastarjevanje počinje teći iznova, a vrijeme koje je prošlo prije prekida ne računa se u zakonom određeni rok za zastarjelost."

Član 39.

U članu 76. st. 2. i 3. mijenjaju se i glase:

"Žalba se neposredno predaje ili šalje poštom organu koji je donio prvostepeno rješenje u roku od osam (8) dana od dana prijema prvostepenog rješenja.

Kad prvostepeni organ nađe da je podnesena žalba dopuštena, pravovremena i izjavljena od ovlaštenog lica, a pobijano rješenje nije zamijenio novim rješenjem, u skladu sa zakonom, dužan je bez odgađanja, a najkasnije u roku od osam (8) dana od dana prijema žalbe poslati žalbu Ministarstvu na rješavanje."

Iza stava 3. dodaje se novi stav 4. koji glasi:

"Ministarstvo kao drugostepeni organ rješava po žalbi u roku od trideset (30) dana od dana prijema žalbe od prvostepenog organa."

Dosadašnji stav 4. postaje stav 5.

Član 40.

Član 77. briše se.

Član 41.

U članu 78. u st. 1., 2. i 3. riječi: "Vrhovnom sudu Federacije" zamjenjuju se riječima: " nadležnom sudu u Federaciji".

Član 42.

Član 81. mijenja se i glasi:

"Pravno lice koje prekrši bilo koju proceduru registriranja kod Porezne uprave prema Poglavlju VI. Zakona ili koje se ne registruje na vrijeme bit će kažnjeno novčanom kaznom u iznosu od 1.000,00 KM do 10.000,00 KM.

Fizičko lice koje prekrši bilo koju proceduru registriranja kod Porezne uprave prema Poglavlju VI. Zakona ili koje se ne registruje na vrijeme bit će kažnjeno novčanom kaznom u iznosu od 200,00 KM do 2.000,00 KM."

Član 43.

Član 84. mijenja se i glasi:

"Pravno lice koje ne podnese poreznu prijavu Poreznoj upravi na način propisan ovim ili bilo kojim poreznim zakonom Federacije, bit će kažnjeno novčanom kaznom u iznosu od 2.000,00 KM do 20.000,00 KM.

Fizičko lice koje ne podnese poreznu prijavu Poreznoj upravi na način propisan ovim ili bilo kojim poreznim zakonom Federacije, bit će kažnjeno novčanom kaznom u iznosu od 300,00 KM do 3.000,00 KM.

Za svaku prijavu koju mora sačiniti Porezna uprava u ime poreznog obveznika propisuje se novčana kazna u iznosu od 500,00 KM do 50.000,00 KM."

Član 44.

Član 88. mijenja se i glasi:

"Pravno lice koje se ne pridržava procedura za vođenje knjiga i evidencija koje je dužno voditi u skladu sa poreznim zakonima i koje ne dostavi Poreznoj upravi porezne isprave u rokovima propisanim poreznim zakonima, bit će kažnjeno novčanom kaznom u iznosu od 2.000,00 KM do 20.000,00 KM.

Fizičko lice koje se ne pridržava procedura za vođenje knjiga i evidencija koje je dužno voditi u skladu sa poreznim zakonima i koje ne dostavi Poreznoj upravi porezne isprave u rokovima propisanim poreznim zakonima, bit će kažnjeno novčanom kaznom u iznosu od 200,00 KM do 2.000,00 KM."

Član 45.

Iza člana 94. dodaju se čl. 94a. i 94b. koji glase:

"Član 94a.

Pravno lice koje u datom roku ne otkloni nedostatke koje mu je rješenjem naložio porezni inspektor, bit će kažnjeno novčanom kaznom u iznosu od 2.000,00 KM do 20.000,00 KM.

Fizičko lice koje u datom roku ne otkloni nedostatke koje mu je rješenjem naložio porezni inspektor, bit će kažnjeno novčanom kaznom u iznosu od 500,00 KM do 5.000,00 KM.

Član 94b.

Pravno lice kod kojeg se utvrde nezakonitosti iz člana 66. Zakona, bit će kažnjeno novčanom kaznom u iznosu od 3.000,00 KM do 30.000,00 KM.

Fizičko lice kod kojeg se utvrde nezakonitosti iz člana 66. Zakona, bit će kažnjeno novčanom kaznom u iznosu od 500,00 KM do 5.000,00 KM."

Član 46.

Član 96. mijenja se i glasi:

"Porezna uprava dužna je, na zahtjev poreznih obveznika, davati mišljenja i odgovore na pitanja u vezi sa primjenom propisa kojima se reguliraju porezi, doprinosi i takse, a za čiju naplatu i kontrolu je nadležna.

Način i postupak davanja mišljenja iz prethodnog stava propisat će ministar podzakonskim aktom u roku od šezdeset (60) dana od dana stupanja na snagu ovog zakona."

Član 47.

Zakonodavno-pravne komisije oba doma Parlamenta Federacije Bosne i Hercegovine utvrdit će prečišćeni tekst Zakona o Poreznoj upravi Federacije Bosne i Hercegovine.

Član 48.

Ovaj zakon stupa na snagu osmog dana od dana objavljivanja u "Službenim novinama Federacije BiH".

Predsjedavajući Doma naroda Parlamenta Federacije BiH Stjepan Krešić, s. r.	Predsjedavajući Predstavničkog doma Parlamenta Federacije BiH Safet Softić, s. r.
---	---

729

Temeljem članka IV.B.7. a)(IV) Ustava Federacije Bosne i Hercegovine, donosim

UKAZ**O PROGLAŠENJU ZAKONA O UNUTARNJOJ TRGOVINI**

Proglašava se Zakon o unutarnjoj trgovini koji je donio Parlament Federacije BiH na sjednici Zastupničkog doma od 9. ožujka 2010. godine i na sjednici Doma naroda od 27. svibnja 2010. godine.

Broj 01-02-347/10
6. srpnja 2010. godine
Sarajevo

Predsjednica
Borjana Krišto, v. r.

ZAKON**O UNUTARNJOJ TRGOVINI****I. OPĆE ODREDBE**

Članak 1.

Ovim se zakonom uređuje: obavljanje i uvjeti za obavljanje trgovine na veliko, trgovine na malo i trgovinskih usluga, osnivanje i prestanak rada trgovinske radnje, posebni oblici obavljanja trgovine, način obrazovanja cijena, zaštita potrošača i nedopušteno trgovanje, ograničenje obavljanja trgovine, nadzor nad primjenom ovoga zakona, kao i druga pitanja od značaja za obavljanje trgovine na teritoriju Federacije Bosne i Hercegovine (u daljnjem tekstu: Federacija BiH).

Članak 2.

- 1) Pod trgovinom u smislu ovoga zakona smatraju se kupnja i prodaja robe i obavljanje trgovinskih usluga.
- 2) Pravne i fizičke osobe koje se bave trgovinom na temelju registracije, odnosno rješenja kojim se odobrava obavljanje trgovine i trgovinskih usluga smatraju se trgovcem sukladno uvjetima propisanim ovim zakonom.
- 3) Odredbe ovoga zakona, kojima se uređuju prava, obveze i sankcije za trgovca, odgovarajuće se primjenjuju i na:
 - a) pravne i fizičke osobe koje se bave trgovinom mimo registracije, odnosno odobrenja za obavljanje trgovine,
 - b) pravne i fizičke osobe registrirane za obavljanje djelatnosti proizvodnje i obavljanja usluga, kada svoje proizvode i usluge prodaju na tržištu,
 - c) fizičke osobe koje se bave poljoprivrednom proizvodnjom, kada svoje poljoprivredne proizvode prodaju na tržnici na malo,
 - d) fizičke osobe koje na temelju ugovora s trgovcem obavljaju za trgovca trgovinu na malo izvan prodavaonice,
 - e) fizičke osobe - građani koji se bave trgovinom bez odobrenja za obavljanje trgovine tijela grada, odnosno općine mjerodavne za oblast trgovine (u daljnjem tekstu: mjerodavno tijelo).

Članak 3.

- 1) Trgovina se obavlja slobodno pod jednakim uvjetima na tržištu, za sve trgovce sukladno zakonu, dobrim poslovnim običajima, načelima lojalne konkurencije i trgovinskim pravilima, odnosno uzancama.
- 2) Roba koja se stavlja u promet mora biti sukladna standardima, tehničkim normativima i kvalitativnim normama propisanim ili priznatim kao uvjet za njihovo stavljanje u promet i/ili uporabu na tržištu Bosne i Hercegovine.
- 3) Cijena robe koja se stavlja u promet formira se i iskazuje u domaćoj valuti u apoenima novčanica koje su u opticaju u Bosni i Hercegovini.

Članak 4.

- 1) Aktima tijela Federacije, kantona, grada i općine ne može se ograničavati nastupanje na tržištu, narušavati konkurencija, niti se mogu pojedini trgovci ili potrošači stavljati u nejednakopravan položaj na tržištu.
- 2) Iznimno od odredbe iz stavka 1) ovoga članka, ukoliko nastanu ili mogu nastati značajniji poremećaji na tržištu usljed elementarne nepogode, nestašice dobara prijeko potrebnih za potrebe obrane, odnosno za potrebe gospodarstva i opskrbe stanovništva, Vlada Federacije Bosne i Hercegovine (u daljnjem tekstu: Vlada Federacije) može propisati privremene mjere ograničavanja tržišta sukladno ovom zakonu.

II. OBAVLJANJE TRGOVINE

Članak 5.

Trgovina se obavlja kao trgovina na veliko i trgovina na malo.

1. Trgovina na veliko

Članak 6.

- 1) Trgovina na veliko je kupovina robe radi daljnje prodaje profesionalnim korisnicima, drugim pravnim i fizičkim osobama koje obavljaju registriranu djelatnost ili djelatnost odobrenu sukladno zakonu, uz obvezatno izdavanje fakture, odnosno računa.
- 2) Trgovina na veliko obavlja se u posebnim prodajnim prostorijama, skladištima ili drugim mjestima koja ispunjavaju uvjete propisane ovim zakonom i drugim propisima.
- 3) Trgovina na veliko može se obavljati i kao trgovina na veliko u tranzitu kada se kupnja i prodaja robe obavlja bez prethodnog skladištenja u skladištu trgovca na veliko.
- 4) Za obavljanje trgovine na veliko u tranzitu nije potreban prodajni prostor (skladište).
- 5) Za određenu vrstu robe može se utvrditi da se trgovina na veliko ne može obavljati u tranzitu.
- 6) Vlada Federacije na prijedlog federalnoga ministra trgovine (u daljnjem tekstu: ministar) utvrđuje vrstu robe kojom se ne može obavljati trgovina na veliko u tranzitu.

2. Trgovina na malo

Članak 7.

- 1) Trgovina na malo je prodaja robe krajnjim potrošačima radi zadovoljavanja njihovih osobnih i obiteljskih potreba ili potreba kućanstva.
- 2) Trgovina na malo obavlja se u prodavaonicama ili izvan prodavaonica ako su za takav način prodaje ispunjeni uvjeti propisani ovim zakonom i drugim propisima.
- 3) Ako trgovac ispunjava uvjete po posebnom propisu da u prodavaonici pored trgovinske obavlja i neku drugu djelatnost, prostor namijenjen toj djelatnosti mora biti fizički odvojen od dijela prodavaonice namijenjenog trgovinskoj djelatnosti.
- 4) Trgovac može u svojoj prodavaonici dodatno obrađivati hranu, uz ispunjavanje uvjeta propisanih posebnim propisom, tako da bude primjerena za uporabu.